



Najukkani umiarsualivinni oqartussanut ingerlasunut

Sikuki Nuuk Harbour A/S
Royal Arctic Line A/S
Mittarfeqarfiit
KNI Pilersuisoq
KNI Polaroil

Umiarsualivinni oqartussat Coronavirus (COVID-19) pillugu pitsaaliuniarnerat, 08. april 2020

27-03-2020
Suliap nr.: 2020 - 4522
Id. nr. 51539587

Nunarsuup annersaani Coronavirus (COVID-19) tunillaatilersimasoq paasineqarpoq, taakkunungalu Kalaallit Nunaat ilaavoq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Tamanna tunngavigalugu nunatta umiarsualiviisa iliuusissat immikkut ittut aallartittariaqalerpaat.

Najukkani umiarsualivinni oqartussat umiarsuarnit makkunanga nunat assigiinngitsut akornanni angallattunit umiarsuit aqqusaarnerini **TAMANI** "Maritime Declaration of Health" akuerisassanngorlugu **TUNNIUTEQQUSASSAVAAT**:

- Umiarsuit nassiussanik pilersuinermilu assartuutit
- Umiarsuit takornariartaatit
- Sakkutuut (Kunngaqarfiup) umiarsuaataat
- Angallatit namminerisamik pigineqartut

Umiarsuit allat, taakkunungalu aalisariutit ikaartaatillu ilanngullugit, umiarsualivimmu aqqusaarnerini **TAMANI** "Maritime Declaration of Health"-imik **TUNNIUSSEQQUNEQARTASSAPPUT** akuerisassanngortitsisassallutillu:

- umiarsuaq ullut 14-it kingullit ingerlanerini nunani allani umiarsualivimmu aqqusaarsimappat,
- ulluni 14-ini kingullerni umiarsuarmi inuttat akornanni napparsimasoqarsimappat.
- ulluni 14-ini kingullerni umiarsuarmut ilaasunik inuttanilluunniit paarlaassisoqarsimappat.

Illersornissaqarfiup, RAL-ip aamma Polaroil-ip umiarsuai teknikkimut tunngatillugu talissappata, umiarsualivimmi oqartussaasut "Maritime Declaration of Health"-imik tunniusseqqussanngillat akuerisassanngortitseqqussanatilluunniit.

Teknikkimut tunngatillugu talittoqassappat, inuttanik ilaasunilluunniit nunamut nusoqassanngilaq, imaluunniit illoqarfimmiit/nunaqarfimmiit inunnik umiarsuarmut ikisoqassanngilaq.

”Maritime Declaration of Health”-imi umiarsuup naalagaata nalunaarutigissavaa umiarsuarmi nappaatinik tunillannartoqanngitsoq. Nassuiaat sivisunerpaamik nalunaaquttap akunnerinik 24-nik pisoqaassuseqassaaq.

Kalaallit Nunaanni tunillatsissimanermik pasitsaassisoqassagaluarpat Nakorsaaneqarfiup pisut isumagissavai upalungaarsimanerillu ataqatigiissaassallugit.

Maritime Declaration of Health ”minguitsoq”, immersugassami immersukkat tamarmik ”NO”-imik akissuteqarfiusoq umiarsuup umiarsuarlivimmi oqartussaasunut tunniussinnaanngippagu imatut pisoqassaaq:

1. Umiarsualivimmi oqartussaasut umiarsuaq umiarsualiviup avataaniiginnakkullugu aammalu Nakorsaaneqarfimmut attaveqakkullugu ilisimatissavaat.
2. Umiarsuaq pisumi aalajangersimasumi peqqissutsimut tunngasut pillugit oqaloqatigiiffiusumik Nakorsaaneqarfimmut attaveqassaaq.
3. Nakorsaaneqarfik umiarsuaq talittarfimmut talinnissamut akuerisaanersoq iliuusissanillu innersuussivigineqarsimanersoq pillugu Kalaallit Nunaanni Politiinut (pigaartoqarfik) nalunaaruteqassaaq.
4. Kalaallit Nunaanni Politiit allakkatigut nalunaarummik umiarsualivimmi pineqartumi oqartussaasunut kiisalu umiarsuarmut, Nakorsaaneqarfimmut aamma qitiusumik umiarsualivinnut oqartussaasunut assilinera ilanngullugu nassiussissaaq.
5. Aatsaat umiarsuaq Nakorsaaneqarfimmit akuerineqarpat, umiarsualivimmi pineqartumi oqartussaasut umiarsuaq umiarsualivimmut pulanissamut talittarfimmullu talinnissamut akuerissavaat.

Umiarsualivimmut aqqusaarnerit tamaasa ”Maritime Declaration of Health”-ip suliarineqarnissaanut pissutaavoq piffissaq nappaatip malunniuttarfia tassaamat ullut 2 - 14. Assersuutigalugu ilaasoq inuttarluunniit aallarneq sioqqullugu tunillanneqarsimasinnaavoq aatsaallu soorlu ullut 10 qaangiunnerini malunnaateqalerluni.

Malugineqassaaq, Kalaallit Nunaanni Politiit umiarsuarnut nunanik allaneersunik imaluunniit Kalaallit Nunaanni distriktinit assigiinngitsuneersunik inuttalinnut imaattunik inassuteqarmata:

1. Inuttat sivikinnerpaamik ulluni 14-ini allanut attaveqaratik umiarsuarmiiginnassapput.
2. Inuttat ullut 14-it inorlugit aallarsimasimagunik, illoqarfimmut najukkaminnut tikinnerminni ulluni 14-ini angerlarsimaffimminni mattusimassapput.

Kalaallit oqartussaasuisa innersuussutaat ukunatigut malinnaavigineqarsinnaapput:

www.nun.gl/Emner/Borgere/Coronavirus?sc_lang=da
www.nun.gl/Emner/Borgere/Coronavirus?sc_lang=kl-GL

Attavissat

Nakorsaaneqarfik

Oqa.: +299 34 51 92

nun@nanoq.gl

Qitiusumik Umiarsualivinnut Oqartussat, Ineqarnermut Attaveqaqatigiinnermullu

Naalackersuisoqarfik

Oqa.: +299 34 54 64, mank@nanoq.gl

Inussiarnersumik inuulluaqqusillunga

Mads Nyhus Kirk

Qitiusumik Umiarsualivinnut Oqartussat

Ineqarnermut Attaveqaqatigiinnermullu Naalackersuisoqarfik